



إلى أستاذ  
الفاضل إبراهيم عطية  
مع التوفيق محارب  
العاشقة لترايب مصر  
مقالتي بيومي  
نار الخرج بال  
عبد الله



# عجائب الدنيا السبعة



رقم اليداع / ١٦٤١٩  
التاريخ / ٢٠٠٧ / ٧ / ١٥



بطاقة فهرسة

دار الكتب والوثائق القومية

فهرسة أثناء النشر إعداد الهيئة العامة لدار الكتب المصرية  
إدارة الشؤون الفنية

بسم الله الرحمن الرحيم  
عجائب الدنيا السبع / لمحمد  
بسم الله الرحمن الرحيم - ط ١ - الزاوي : مركز  
طبع الكيمياء ٢٠٠٧  
بسم الله الرحمن الرحيم  
عجائب الدنيا السبع  
المعنوان  
٣٠٩١٣

ملحوظة هذه البطاقة تطبع خلف صفحة العنوان

هذه البيانات لا تنطبق إلا على هذا العنوان ولا تنعم في عناوين أخرى.

بسم الله الرحمن الرحيم

أهدي ديواني

إلى من هي في خاطري

إلى من تسري في دمي

إلى الملكة المتوجة على قلبي

كنانة الله في أرضه

مصر الحبيبة

الإمام - النضحية - الحمر

وأهداء إلى أبنائي

**ملى وسلمى**

وهبتهم لله والوطن

هي وِي مصر  
يا اللي ما تعرف مصر  
تعالى زور أرضها  
قوة وعزم وصبر  
من حقنا نحبها  
والعندليب في النصر  
عزف جمال لحنها  
باغزل سلام مع نصر  
وروحي من نبضها  
يا للي ما تعرف مصر

تعالى زور أرضها  
سرب الحمام من فوق  
عاشق جمال حسنها  
غصن الزيتون يميل  
ويغني على أرضها  
يرقص نخيل ع النيل  
والكل يحبها  
والقلب لو يتهان  
بيبيكي على صدرها  
الصعب كله يهون

لحظة حنان قلبها  
عمري ما عيش ولا اكون  
لو يوم أخون عهدا  
ياللي ماتعرف مصر  
تعالى شوف أهلها  
نبع الحنان والخير  
والأصل من طبعها  
مسجدنا هو دليل  
قوة إيمان شعبها  
قالوا العجايب سبعة !!!

وانا بقول كلها  
على أرض مصر الغالية  
كان الميلاد وقتها  
وأعجب عجيب في العالم  
يا ناس يكون شعبها  
وهرمنا لما يغني  
للليل يكون مجدها  
مسجد كنيسة ودير  
لحن الوفا لحنها  
يا للي ما تعرف مصر

تعالى شوف ابنها

ودبابات عساف

عب عاطي قام هدها

وأعجب عجيب في العالم

يا ناس يكون ابنها

الله عليك يا مصري

وانت بتحلف لها


لو يوم سهم الأعداء

فكر يصيب أرضها

قلبك يكون السيف



كرامتها ترجع لها  
مش بس كان الماضي  
ده العمر كله لها  
يا للي ما تعرف مصر  
تعالى زور ارضها  
أرض الكرم والخمر  
بالقلب ما تنه





الله على حب الأوطان

قلي مرفرف شوق وحنان

من شرم الشيخ وجنوب سينا

للأقصر وجنوب أسوان

شط الفيروز مسا علينا

وحضن أكتوبر رمضان

عبد العاطي كاد أعادينا

وف شهر الخير والغفران

الله على حب الأوطان

ده هدية يا ناس من الرحمن

مع أول ضربة طيران

من وسط الضلمة طلع فجره

بدل صرختنا بألحان

خجلت من نوره — الأحران

الله على حب الأوطان



وتقول آه يا عين

يحضنها الليل

وأنا ماشية بحبي باتمايل

وأتباهى بحسبك يا جميل

شط الفيروز هايكون شطي  
وزيتون الرمل ف خلاخيل  
وسلامنا يرفرف لحمامنا  
لكن ع الخاين أبابيل  
ودليلنا آيات القرآن  
بيها السهران هاينام ليله  
وها يدخل جنة رضوان  
الله على حب الأوطان




## هنا القاهرة

من حيفا لراس التين  
طار بينا البساط على مكة  
وقلوبنا ومتعاهدين  
يقولوا رسالة للطاهرة  
يا مصر يا قاهرة لعداكي  
عدوك طار على البصرة  
بحق أكتوبر الغالي  
تكوني للزمن درة  
ترد الطاهرة بالأزهر

أنا بالمهد والصخرة  
راح غزل من خيوط فجر  
لتوب النصر من بكرة  
وبادعي المولى ينصرنا  
ببركة مكة والأزهر  
هانظفي الغدر في عيونهم  
وها تعيش العرب حرة  
ويقولي جيش ما يقهرشي  
أقوله لأ ما تحلمشي  
جيشك وكان نعام يجري

في راس العش والصحرة  
كمان كبريت كانت شاهدة  
وبور سعيد كانت قادرة  
دي نار المصري حرقتم  
وأكتوبر لكم عبرة  
جيوشنا ف سينا قهرتم  
وصوت المصري زلزلكم  
هنا القاهرة  
ببركة ربنا الغالي  
وعظمة أزهرى ومكة

جحيم الحرق يحلالي  
واعود من ثاني للأقصى  
وأنا القاهرة  
هنا القاهرة







إبليس

غرب وشرق وبيغنولك  
أنت اليوم ده يا باشا عريس  
ويا العربي تلاقي كيالك  
عيش وياه وابقاله ونيس  
افسد دمر خرب ولع  
.... فرق بينهم أي تجمع  
ازرع فدادين كده من فتنة  
داوم على طول على فرقنا  
ولا تحرمناش م الكوابيس

ما أنت يا واد  
مواليد أمريكا  
والأصل باريس أو من لندن  
ما يكنش أنت الفيتو بعينه  
عالم كله بيتسلطن  
ويا العربي تلاقي كيالك  
عيش وياه وابقاله ونيس  
عالم ومشغله لحسابك  
على كل العالم جواسيس





رمز اللقمة

تنتخبوا مين

رمز اللقمة

حبيكم مين

رمز اللقمة

لحمة جاموسي أو عجالي

سن أسنانك واقطم قطعة

بت يا فاطمة واد يا حسين

سيادة العضو طريقه منين

محتاج شد على الودنين

أصله فاكركنا هدمه ولقمة  
واحتياجاتنا أعلى وأسمى  
أحنا شباب ريسمالنا الحكمة  
ويا عرقنا تكون لقمتنا  
يسقط فوراً رمز اللقمة  
اللي ما ينفع رمز لأمة





## رسالة

لكل بنت أو ولد

قولي يا روح قبل الجسد

إرهابكم للإسلام عدو

شيطان وحبله من مسد

بإيماننا وحده نقتله

بالشر وحده يتولد

يا كل بنت أو ولد

يا مسلمين

مين ضد مين ؟؟؟

طفلة بتدفع تمن



غيرها كمان ملايين  
وحدة لنفس الوطن  
وحدة لنفس الدين  
يا كل بنت أو ولد  
أنا بقول مساكين  
يا اللي ما ليكم وطن  
ولا في قلوبكم دين  
فيه الحنين  
يقول لكل العالمين  
يلا ادخلوها آمين  
مصر رمز الإنسانية

العدل فيها من سنين  
يا كل بنت أو ولد  
سبحانه الواحد الأحد  
آدم بقدرته اتولد  
بالعدل ربه كرمه  
وخلق له م الرحمة مدد  
يا كل بنت أو ولد  
إرهابكم للإسلام  
عدو شيطان وحبله من مسد  
بإيماننا وحده نقتله  
بالشر وحده يتولد

فارس الزحمال

في العشق أنا فارس

وحبيتي له موال



وقلبها زادي ومرسايا في الترحال  
والحلوة لو تبكي صوتها يهز جبال  
ع الأرض دم شيوخ وأنين نسا ورجال  
والحلوة راح تبكي من حرقة الموال  
ولد في إيده السيف يشق قلب الخال  
في العشق أنا فارس وحبيتي له موال  
لو هو ده الإسلام ليه الرسول كان قال



لو حتى كان مقتول في النار يشوف أهوال  
دا القتل كان نية للعم وابن الخال  
والحلوة لو تبكي صوتها يهز جبال  
وتقول أنا هاغزل بزتوني كام خلخال  
واحلم بيوم عيدي والوحدة يا ابن الخال  
هاغزل خيوط ترسم شجرة ميلاد أجيال  
يا حلوة لا تبكي في الضي جي رجال  
في العشق أنا فارس وحببتي له موال  
وقلبها زادي ومرسايا في الترحال



يا أهل مصر

اسمعوا يا أهل مصر

اسمعوا صوت نبض مصر

لما كلمة ف غنوة حلوة

تغزل الأحلام بقوة

نبني وحدة بين صفوفنا

يبقى قي اتحادنا قوة

أصل مصر نعمة دائمة

ساكنة فينا القلب جوة

اسمعوا يا أهل مصر

اسمعوا صوت نبض مصر

لما نتحامى ف هلالنا

والهلال يحضن صليب

جوة دايرة شمس غالية

جاية من بعد المغيب

شمس راجعة لجل تهتف

بالهلال يحيا الصليب

يا عرب اصحوا وفوقوا

شمسكم مش راح تغيب

أصل للأديان دي مولى

يحمي كل الإنسانية



لينا حق معيشة حلوة  
بالديانة الربانية  
مش بإيدي ولا إيدك  
نهدم الأحلام في ثانية  
باتحادنا نبقى أمة  
ضحكة رايحة وفرحة جاية  
قول معايا في كل ثانية  
مصر رمز الإنسانية  
واسمعوا يا أهل مصر  
اسمعوا صوت نبض مصر





آه يا بلدر

آه لو تفوق كل العرب

للأقصى وتلي النداء

مع مصر وترد الصدا

آه لو تكون متوحدة

تحلم معاه

بشعب قاهر للعدا

وبالإيمان بالغ مداه

آه يا بلد

كل الوحوش حاشدين



جيوش على أرضها  
محتاجة جيش ينصرها جوة

وجيش يرجع مجدها

أكلة حشاها بنفسها

ما فيها وحدة ....

ولا حتى قبر يلمها

آه يا بلد

آه يا مة يا فلسطين


بغزل تراب مع طين

في عقد حبله من مسد

يخنق على الحاقدين

آه يا مة يا فلسطين  
والأقصى من وسط الهدد  
يصرخ يقول مدد مدد  
شدي حيلك يا بلد  
لو يوم في أرضك مات شهيد  
في ألف غيره بيتولد  
آه يا بلد





عجائب الدنيا



قولي ليه يا دنيا

دايما سودة وعصيبة

ليه التاريخ بيرحل

ولا ليا ف أرضي هيبة

سالت دموع عيوني

فرحت دموع غريبة

وقولي لي ليه يا دنيا

دايما سودة وعصيبة




أنا غريب حيران







مختار ما بين حرمان  
وبين حقوق انسان  
ومين يعيد الروح



والرحمة للإنسان

للعالم الأول من العالم التعبان

وبقول لجورج بوش

أما عليك غريبة

عجائب الدنيا سبعة وانت تامن عجيبة

حكامنا مكانها واقفة

لخيوطها ومستجيبة



من دارفور للجولان  
ولافيش مكان لعبية  
وما بين أسوار جونتامو  
شباب ويا ما تظلموا  
وبين سجون أبو غريبة  
أيام سودة وعصيبة  
وبقولك يا نصير  
كل البلاد الرحيبة  
عجائب الدنيا سبعة وانت تامن عجيبة





للا للهو ما

أصل الشباب بنیان لنهضة الأوطان  
ولالا وألف لالا للشم والإدمان  
دي حاجات دخيلة علينا باعها عدو جبان  
ضاعت صحة شبابنا وكرامة الإنسان  
لازم أقولها لابني وأقول لأخويا كمان  
بلادنا ومن زمان حقدوا عليها الأعادي  
وع الحضارة كمان

صحصح وفوق يا ابن بلادي

وللا وراح عصر التوهان

وارمي سلامي وكلامي





لكل واقع في الإدمان  
لو يتوه ويغيب عقله  
منين نجيب جند وشجعان  
ماهي دي أصل اللعبة  
وكمان حياتنا ماهيش ناقصة  
جواسيس ونت وشم كمان !!!  
أصل المعادلة كمان واضحة  
كرامة قوة صبر إيمان  
لو يوم نتوه أو نخسرهم  
يبقى علينا رحيم رحمن



للجمي سياسي

طالب لجوء سياسي



للناس وللمكان

وبقول والله زمان

كانت بلادنا نضيضة

والورد على الجدران

يرقص لنسمة رقيقة

والقلة والفنجان

كانت شوارعنا هادية

واحة أمن وأمان

وما فيش لاحجر صحي

ولا سل ولا دخان

ومين يقول للأسطة

يحافظ على الودان

يكون حكيم فنان

الله على أم سيد

حكايتها حكاية كمان

عملت محشي بتنجان

ورمت لي خلفاته

في الشارع للجيران





وكانها عاملة حفلة

لعيد ميلاد فيران

ونقول فين الحكومة

تنصف المكان

والله الحكومة مظلومة

زي الناس والجيران

ونبص نلاقي مطرب

بيغني للحمار

ياسلام لو يوم يغني

مرة لدليل الحصان

ده تلوث سمعي لازم تتظاهر له الودان

يلا انضف بلادنا

علشان سلام ولادنا

وكرامة الأوطان







ابن البكر

الأولة الله معاه

والثانية : نسرف سماه

والثالثة عبرنا وقلنا باسم الله

والفرحة ف قلب بلدي سكنت مكان الآه

الله على ابن بلدي

روى الزتون بدماه

حضمن سلامنا حمامه

رقص على صوت غناه

ما تقولوا تاني الله

الله الله الله

الله على ابن بلدي

كان نسر زاین سماه

عشق الهلال صليبه

رجعت كل المياه

لأرض سينا تاني

لجل اتعود الحياة

والله على ابن بلدي

كان نسر زاین سماه

وقال الله أكبر



## رجعت مدن القناة

من بور سعيد لسويس لاسماعيليه كمان

والشعب كله كبر والقلب قال وراه

الله الله الله

على ابن بلدي الغالي

كان نسر زاین سماه

الله الله الله      الله الله الله



إهداء إلى السيد رئيس الجمهورية

## محمد حسني مبارك

م : مصر في كيانك نبض قلبك بالحب والإحساس  
ح : حياتنا بحكمتك جنة ترويه بالإخلاص  
م : مبارك علينا عقلك أسر قلوب الناس  
د : دفاع عن أمتك دائما أكتوبر كان أساس



حسني

ح : حرية؟؟

إديها كمان حرية تخرج مع الأنفاس

كلمة م القلب تهتف

باسم التاريخ إنك..

حامي حمى بلدي من أروع الحراس

س : ساكن ضيا عيني قلبك ذهب على ماس  
ن : نسر في سما بلدي خاطف قلوب الناس  
ي : يحميك يا ريس لنا أجمل قمر وناس

## مبارك

من الهموم شایل والحمل فاض به الكيل  
بين الرموش والعين لازم نشيلك شيل  
من قلبي أنا بدعي ربي العزيز في سماه  
يحميك يا ريس لنا  
يا ابن الهرم والنيل  
ويدوم لنا حبك  
طول النهار والليل





أهلا بي مع شاعر النيل

مين راح يكون حافظ ؟؟؟

شاعر لشعب أصيل

في شعره تنعي اللغة

لزمانها وتقول له

راجعت نفسي واتهمت حصاتي

وشبابي هو اللي هدم لذاتي

إمته يكون لي جيل

بالحب متكلف ؟؟؟؟

غالب عليه الوفا



ويكون لي مرآتي

الله عليك يا حافظ

صاحب قلم وعظيم

أحضان ونيل مع لغة

بدعاها رب كريم

يعلا يرد الصدا بالمجد والتكريم

صدقني إنه قلم عظيم وحكيم؟؟؟؟

قلم ومن حرقة كل القلوب مالت

لما تقول اللغة للعالم التالت

أنا بحر دره في حشاه

بس العرب نامت  
عرب تقتل عرب!!!!  
مهما السنين فاتت .....!!!!  
لبنان تموت من الأسا  
وعراقنا وفلسطين؟؟؟  
شهداء تموت من الألم  
تنعي سنين فاتت!!!!  
تهتف بأعلى الصوت إن العرب ماتت  
يا مين يعيد الروح للوحدة نيل وفرات  
وللبكا والنوح نقولها بعد سكات



النعي كلمة زمان  
يا ريتها ما اتقالت  
وحدة في كل مكان  
وان العرب عاشت





قوم يا مصري

قوم يا مصري مصر

دايما بتناديك

ده السلام فارد

شراعه فين إيديك

مهما رحنا ولا جينا

مصر بلدي بين عنينا

شيلها دايما جوة

قلبك بين عينيك

قوم يا مصري مصر

دائما بتناديك  
شفت بلدك بعد طول  
الانتظار بعد خمسة  
يونيوكله خد قرار  
بالتحدي للهزيمة  
جه النهار  
لما جيشنا الحر نشن  
بان وهل الانتصار  
قوم يا مصري مصر  
دائما بتناديك

آن الأوان يا مصري

تحضنها بإديك

شيلها دائما جوة قلبك

بين عنيك

قوم يا مصري

مصر دائما بتناديك



رسالة إلى العالم الأول



صرخة قلب بكل الحب

فوقوا يا عالم ليكم رب

عاشق سلم ف وقت الحرب

وغرب وشرق وشرق وغرب

كله ضرب ف ضرب ف ضرب ؟؟؟

طفل وعارف معنى الحرب !!!

ميت رعب ف جلد الرعب

عالم قاتل معنى الحب

كله ضرب ف ضرب ف ضرب ؟؟؟

لكن الناتج ما يظهر شي  
كل العالم أصبح وحشي  
كل الدنيا ما بتقدر شي  
معنى القلب ما يطمن شي  
قلبي جريح ولكنه حنون  
عاقل جدا مش مجنون  
عاشق سلم وغصن زيتون  
رافض ضرب وثقب أذون  
نفسي ف لحظة سلم وحب  
نوقف بيها طبول الحرب



قلي برئ م العلم كله  
ضرب ف ضرب ف ضرب  
آكل حرب وشارب حرب  
ادعوا المولى تفوقوا يا عالم  
أصل الموقف أصبح صعب





## وداد العرب



عمي يا عربي يابو ودنين  
قولنا عقلك رايح فين  
نفسك تبقى ف يوم صهيوني  
ولا حفيد لجنود حطين  
عقلك ناوي يعيد أمجادك  
ولا يقطع بالسكاكين  
لحم أخويا وأخوك لو يرخص  
إمته يجينا النصر وفين  
عمي يا عربي يابو ودنين



جبت الظلم ده كله منين  
ليه الفتنة ف كل كلامك  
ليه تقتل مجد فلسطين  
باسم العاصي ودم ياسين  
بجلف إنه ف يوم حطين  
طهر أرضي صلاح الدين  
كل بلادي كانت واحدة  
حارب جرجس جنب ياسين  
صنعوا المجد ف كل بلادي  
هدموا جدار الصليبيين

أسفة لو انطق كلمة عربي  
للي يخالف شرع الدين  
ولما العربي يضرب نفسه  
مين في ديانتة هايقبل مين  
يقتل  
أخوه وحببيه وصاحبه  
غير العربي ابو ودنين  
كل العالم يجمع نفسه  
والشياطين في ودانه ساكنين





قُرْآنٌ بهيمة

يا بهية وخبريني

ع اللي قتل ياسين

وعد ومكتوب علينا

ومسطرع الجبين

نحمل دمعك يا وطني

من مصر لفلسطين

يا بهية وخبريني

ع اللي قتل ياسين

مش هما السود عنيا .... لأ

دول ناس ولاد ملاعين

اللي أماتو عراقنا

غاويين دايمافراقنا

وبهدلوا فلسطين

قتلوه السود عنينا

نسيوا صلاح الدين

وعد ومكتوب علينا

ومسطرع الجبين

أجوع أنا واخواتي

وأعطش في أرض النيل





لذرة عقل حرة

تروي العطشانين

لو ذرة وحدة حلوه

لو يوم تكون أخوة

ممکن في يوم نكون

مليون صلاح الدين

ويعود المجد تاني

ويعود حقك يا ياسين

يا بهية وخبريني

عاللي قتل ياسين

أنا مؤمنة



أنا مؤمنة وديني إنساني

ونصاري نجران عارفاني

ليهم نبينا فرش برده

بجفاوته بيهم خلاني

أقول بعقلي ولساني

أنا مؤمنة وديني إنساني

شرح لهم بالعدل أكيد

إسلامنا عدله فأركانه

قايم كيانه على التوحيد

مسلم مسيحي أبيض واسود

بالإنسانية إخوة أكيد

ماف يوم رسولنا أساء ليهم

لا من قريب ولا حتى بعيد

أنا مؤمنة وديني إنساني

والحب شيمة ف تكويني

سماحة وقانون رباني

أصل الأخوة أساس ديني

والعدل آية ف قرآني



لا فضل ليا على غيري

إلا بقوة إيماني

## لحافن حصانك

لو اللحاف على قد الغطا  
 ما يطلعشي الرجل لبرا  
 طب وإن طلعن؟؟؟؟  
 لها سنة هاتصبح حرة  
 دخلك هنا محسوب بالمللي  
 رب يبارك رب يخلي  
 لكن اتنين لو ييكم عشرة  
 تبقى الحسرة حليفة تملي  
 أكل ملين ولا ملين






برحمة وحكمة وعقل رزين  
يكفى يا ناس م الخلفة اتنين  
تحلا أيامك وتعيش يومك  
طول العمر ف شهد محلي



## بنس النبل

أنا بنت نيلك يا بلدي  
على عيني يكون أمرك  
أغزل ضفايري من ليلك  
ومني راح يكون سندك  
يا أغلى م الذهب قلبك  
وهبني الصبر من صمتك  
وهبته بالوفا عمري  
حبيبة يا مصر يا أمي  
بعلمك راح يكون سندي

أنور بيه ظلام ليلك  
واخطي الصعب وأعدي  
دا أصل العلم يا غالية  
ميلاده كان هنا ف بلدي



وحناني يا نفسي  
يا نفسي وحناني  
مهما أبيع يآسي  
أحزاني عشقاني  
في جراحي مجروحة  
ولمن أقول يا ني  
وحناني يا نفسي نفسي  
يا نفسي وحناني  
يا قلبي ما تبكيش  
واغزل لي أكفاني  
ما بين أيديها أعيش





تجري في أحضاني  
وبريئة م الدنيا  
في جراحي جارحاني  
لو يوم أفكر أعيش  
أكيد هاموت تاني  
وأنادي ع الأكفان  
واحضنها بحناني  
تدعي لرب كريم  
بالرحمة يرعاني  
وحشاني يا نفسي  
يا نفسي وحشاني

## سكة سفر

أول لقاء بك سكة سفر  
قابلتني بيها الصدفة ويا القمر  
لحظة ميلاد حبنا  
علمنا بيها البشر  
إزاي يكون الحب  
وضوءه لما انتشر  
ضحك لي يومها القدر  
أول لقاء بك سكة سفر  
كان عمري قبلك عدم  
ندم وحيرة وسهر



راح نادي ع الأشواق  
والعين تقول لي الصبر  
مهما القمر ها يغيب  
راح يتولد له بدر  
والله عليك يا لقي  
من بعد طول الهجر  
وما العيون تتلاقى  
تحلى ليالي السهر  
وكل لحظة تكون  
ميلاد سكة سفر  
أول لقاء بك سكة سفر



رأى عليا

راحت عليا من سنين  
كنت فاكرة إنك حياتي ودنيتي  
واحلفت لك أغلى يمين  
بيك راح تنور شمعتي  
حبك زمان كان الأمان  
كان لو يموت  
تجيبه من تاني الآهات  
وف ليلي أنا أغزل  
توب سكات من وحدتي





بس النهاردة جي قلبي

ف لحظة يعلن إنه مات

ما فيش حنين ما فيش أنين

كل الحكاية إنها

راحت عليا من سنين

كنت فاكرة إنك حياتي ودينتي

لكن خلاص

لازم هاصلح غلطتي

من قلب ياسي

تطلع لي شمسي

بالنور تبدد ظلمتي  
يرجع لي قلبي في غربتي  
من تاني يحضن شمعتي  
واحلف لقلبي إنها  
راحت علي من سنين  
كنت فاكرة إنك حياتي ودينتي  
لكن خلاص  
بعد الأسية في الحياة  
لازم أغير سكتي



## سهر ريش النفس

يا نفسي قومي وسامحيني  
سامحي الهوا والشوق والروح  
يلا احضنيني وضميني  
غريب أنا مخنوق والناس  
جاروا عليكى وظلموني  
يا نفس قومي وسامحيني  
محتاج حنانك دفيني  
قلي اللي ياما قاسى الحرمان  
غير مبادئي وتكوني

مسكين يا قلبي وأنا اللي كان

دستوري شوقي وحنيني

ضيعت عمري ف شوق وهوان

آهو جفف الدمع ف عيني

على إني نفسي أكون إنسان

يا نفسي قومي وسامحيني





شجرة الربيع نغمي

حبيبي جي مع الأعياد

خضر عيوني وفستاني

وعبيره جي بشوق وحنان

رقص ضفايري ف أغصاني

بالحب جيت أهلا يا ربيع

باغزل غنايا ف ألحاني

عصفور وغرد للدنيا

ولخضني راجع من تاني

مش بس خضرة ولا مية

بيك راح تنور وجداني  
ومعاك في سينا الغالية كمان  
هاحضن رمالها من تاني  
بسندسك أهلا يا ربيع  
يا بهجة وجمال رباني

## قصيدة للرسول

ألفين صلاة وسلام

على النبي المختار

يشفع لنا ف ذنبنا

ونكون مع الأبرار

بميلاده ولد الهدى

صبحوا الرقيق أحرار

ألفين صلا وسلام

على النبي المختار

طفولته كانت أجمل علامة

عشق جماها كل اليتامة

كفيله ربه وعيون حليلة  
تشهد بانه للعدل شيمة  
أجمل علامة وعزة وكرامة  
راية ف علاها فوق كل راية  
والأم آمنة عليه تسمي  
بالحب لازم قلبي يلي  
وقول ده نوره من وجه ربي  
مين غيره يقدر يشفع لي ذني  
ألفين صلا وسلام  
على النبي المختار  
نمشي ف طريق سكته  
لجنة الأبرار





عبد الله

آن الأوان للوفا  
مع ثورة التكريم  
ثورة صحيح معجزة  
في العلم والتعليم  
الأم دي مدرسة  
والفضل ليها عظيم  
قاعدة أساس للوطن  
بناها رب كريم  
لو يوم نتوه في المدن

بتأخذنا بالأحضان

نلمس حنان قلبها

مع نهضة الأوطان

صحيح أكيد مدرسة

في العلم والإيمان

وصى عليها النبي

والمولى في القرآن

يشهد لها قلبي

بالحب والعرفان



مع كل لحظة خوف

كانت عليا زمان

دي اللجنة تحت قدامها



وجنبها الريان

مهما نكون قاسيين

تهاديننا بالغفران

الأم زي الوطن

أصل الوطن إنسان

بنشوفها دايمًا عظيمة

وتعلي في البنيان

وأنا جزء من قلبها

وهدية م الرحمن  
تقول لي أنا أمك  
لكن بلادنا كمان  
محتاجة لك أرضها  
فارس من الشجعان  
تكون سلاح أمنها  
قاضي على الطغيان  
يا نبضة من قلبي  
باهديها للأوطان  
مع الوفا يا ابني



لازم تكون إنسان



وقول لها حضنك

يا حبيبة كله حنان

ومنايا لو عمري

بالوفا يمضي

واكون خليل قلبك

في جنة الرضوان





## الناجدة في سطور

الاسم : محاسن محمد أحمد بيومي

محل الميلاد : مركز الزقازيق بمحافظة الشرقية

♦ عضوة منتسبة بنادي أدب قصر ثقافة

الزقازيق

♦ عضوة بنادي أدب مركز إعلام جنوب

الزقازيق

هذا هو الديوان الأول في حب مصر

حقوق الطبع محفوظة للمؤلفة ولا يحق التصرف

إلا بإذنها

ت: 0120507125